



O'ZBEKISTON RESPUBLIKASI VAZIRLAR MAHKAMASINING QARORI

2021 yil « 12 » iyul

№ 434

Toshkent sh.

Чорвачилик, паррандачилик ва балиқчилик хўжаликларига улар томонидан етиштирилган ва сотилган маҳсулотлар учун субсидия ажратиш тартиби тўғрисидаги низомни тасдиқлаш хақида

Ўзбекистон Республикаси Президентининг “Чорвачилик тармоқларини давлат томонидан янада қўллаб-қувватлашга доир қўшимча чора-тадбирлар тўғрисида” 2021 йил 3 мартдаги ПҚ–5017-сон, “Паррандачиликни ривожлантириш ва тармоқ озуқа базасини мустаҳкамлашга қаратилган қўшимча чора-тадбирлар тўғрисида” 2021 йил 14 июндаги ПҚ–5146-сон қарорларига мувофиқ, шунингдек, чорвачилик, паррандачилик ва балиқчилик хўжаликларига улар томонидан етиштирилган ва сотилган маҳсулотлар учун субсидиялар ажратиш соҳасидаги муносабатларни ҳуқуқий тартибга солиш мақсадида Вазирлар Маҳкамаси қарор қилади:

1. Қуйидагиларни назарда тутувчи Чорвачилик, паррандачилик ва балиқчилик хўжаликларига улар томонидан етиштирилган ва сотилган маҳсулотлар учун субсидия ажратиш тартиби тўғрисидаги низом 1-иловага мувофиқ тасдиқлансин:

чорвачилик, паррандачилик ва балиқчилик хўжаликларига улар томонидан етиштирилган ва сотилган маҳсулотлар учун субсидия ажратиш шартлари;

чорвачилик, паррандачилик ва балиқчилик хўжаликларига улар томонидан етиштирилган ва сотилган маҳсулотлар учун субсидия ажратишда талаб этиладиган ҳужжатлар, уларни кўриб чиқиш ҳамда субсидия ажратиш тўғрисида қарор қабул қилиш тартиби;

субсидия ажратишни рад этиш асослари ва субсидия ажратишни рад этиш тўғрисидаги қарор бўйича шикоят қилиш тартиби;

ажратилган субсидиядан субсидия олувчи томонидан мақсадли фойдаланишни назорат қилиш тартиби.

2. Чорвачилик маҳсулотлари учун субсидия ажратилишини самарали ташкил этишни таъминлаш бўйича туман (шаҳар) комиссияларининг намунавий таркиби 2-иловага мувофиқ тасдиқлансин.

3. Ўзбекистон Республикаси Ветеринария ва чорвачиликни ривожлантириш давлат қўмитаси Давлат солиқ қўмитаси ва Молия вазирлиги билан биргаликда икки ой муддатда чорвачилик, паррандачилик ва балиқчилик хўжаликларига улар томонидан етиштирилган ва сотилган маҳсулотлар учун субсидия ажратиш жараёнида электрон ахборот тизими орқали маълумотлар алмашинувини йўлга қўйсин.

4. Ўзбекистон Республикаси Ҳукуматининг 3-иловага мувофиқ айрим қарорларига ўзгартириш ва қўшимчалар киритилсин.

5. Ўзбекистон Республикаси Ветеринария ва чорвачиликни ривожлантириш давлат қўмитаси манфаатдор вазирлик ва идоралар билан биргаликда ўзлари қабул қилган норматив-ҳуқуқий ҳужжатларни бир ой муддатда ушбу қарорга мувофиқлаштирсин.

6. Мазкур қарорнинг бажарилишини назорат қилиш Ўзбекистон Республикаси Бош вазирининг аграр ва озиқ-овқат соҳаларини ривожлантириш масалалари бўйича ўринбосари Ш.М. Ғаниев ҳамда Ўзбекистон Республикаси Ветеринария ва чорвачиликни ривожлантириш давлат қўмитаси раиси Б.Т. Норқобилов зиммасига юклансин.

**Ўзбекистон Республикасининг
Бош вазири**



А.Арипов

**Чорвачилик, паррандачилик ва балиқчилик хўжаликларига
улар томонидан етиштирилган ва сотилган маҳсулотлар учун
субсидия ажратиш тартиби тўғрисида
НИЗОМ**

1-боб. Умумий қоидалар

1. Ушбу Низом чорвачилик, паррандачилик ва балиқчилик хўжаликларига улар томонидан етиштирилган ва сотилган маҳсулотлар учун субсидиялар ажратиш тартибини белгилайди.

2. Ушбу Низомда қуйидаги асосий тушунчалар қўлланилади:

маҳсулотлар – хўжаликларнинг ўзида етиштирилган йирик ва майда шохли моллар гўшти, сути, парранда (товуқ, бедана, ўрдак, ғоз, курка ва туякуш) тухуми, гўшти, интенсив усулда етиштирилган совуқ сув балиқлари (лосось, форель ва осётр) ҳамда қолган турдаги балиқлар;

контрагент – солиқ тўловчи билан хўжалик муносабатларида шартнома тузувчи тараф;

субсидия – чорвачилик, паррандачилик, балиқчилик маҳсулотлари етиштириш харажатларининг бир қисмини қоплаш учун юридик шахсларга ва якка тартибдаги тадбиркорларга қайтармаслик шarti билан бюджетдан ажратиладиган маблағ;

субсидия олувчилар – қўшилган қиймат солиғи тўловчиси сифатида солиқ органларида рўйхатдан ўтган ва қўшилган қиймат солиғидан қарздорлиги мавжуд бўлмаган, шунингдек, контрагентларни танлашда лозим даражада эҳтиёткор бўлган чорвачилик, паррандачилик ва балиқчилик хўжаликлари ҳамда ушбу йўналишда фаолият кўрсатувчи якка тартибдаги тадбиркорлар;

чорвачилик субъектлари – йирик ва майда шохли моллар гўшти, сути, парранда (товуқ, бедана, ўрдак, ғоз, курка ва туякуш) тухуми, гўшти, интенсив усулда етиштирилган совуқ сув балиқлари (лосос, форель ва осётр) ҳамда қолган турдаги балиқлар етиштирувчи тадбиркорлик фаолияти билан шуғулланувчи шахслар;

интенсив усулда балиқ етиштириш технологияси – сунъий сув ҳавзалари, кичик сув ҳавзалари, ёпиқ сув айланма тизими ва қафас (садок) мосламаларида интенсив усулда балиқ етиштириш технологияси;

йирик ва майда шохли моллар – жисмоний ва юридик шахслар томонидан сақланадиган (парваришланадиган) ва урчитиладиган уй ҳайвонлари – қорамол, қўй ва эчки;

қафас (садоқ) мосламаларида интенсив балиқ етиштириш технологияси – очик сув хавзаларида турли ўлчамдаги қафас мосламалари ўрнатилиб, сув ости қисми тўр билан ўралган ва ушбу тўрнинг сув устки қисми махсус мосламага (темир, пластик) маҳкамланган ҳолда 1 м³ ҳажмдаги сувда 10 кгдан кам бўлмаган балиқ етиштириш технологияси.

3. Экспортга сотилган чорвачилик, паррандачилик ва балиқчилик маҳсулотларига субсидия ажратилмайди.

2-боб. Субсидия ажратиш шартлари

4. Қўшилган қиймат солиғи тўловчиси бўлган субсидия олувчиларга 2021 йил 1 июндан бошлаб республика бюджетидан қуйидаги миқдорда субсидия ажратилади:

паррандачилик хўжаликларига – ўз хўжаликларида етиштирилиб, реализация қилинган тухумнинг ҳар бир донаси учун 50 сўм ҳамда парранда гўштининг ҳар бир килограмми учун 1000 сўм;

чорвачилик хўжаликларига – ўз хўжаликларида етиштирилиб, гўшт учун сотилган йирик ва майда шохли моллар тирик вазнининг ҳар бир килограмми учун 2 000 сўм ҳамда сутининг ҳар бир литри учун 200 сўм;

балиқчилик хўжаликларига – интенсив усулда етиштирилган совуқ сув балиқларининг (лосось, форель ва осётр) ҳар бир килограмми учун 3 000 сўм қолган турдаги балиқлар учун 1 000 сўм миқдорида.

5. Субсидия қўшилган қиймат солиғидан қарздорлиги мавжуд бўлмаган, шунингдек, контрагентнинг солиқ органларида қўшилган қиймат солиғи тўловчиси сифатида рўйхатдан ўтган тақдирда ажратилади.

6. Субсидия ажратишни рад этиш учун қуйидагилар асос бўлади:

субсидия олувчи ушбу Низомнинг 4, 5, 10 ва 12-бандлари талабларига мос келмаса;

субсидия олувчи томонидан тақдим этилган ҳужжатларда Чорвачилик маҳсулотлари учун субсидия ажратилишини самарали ташкил этишни таъминлаш бўйича туманлар (шаҳарлар) комиссияси (кейинги ўринларда – комиссия) томонидан ўтказиладиган ўрганишлар орқали ишончсиз ва нотўғри маълумотлар мавжудлиги ёки маълумотларни бузиб кўрсатиш ҳолатлари аниқланганда.

Ушбу бандда қайд этилганидан ташқари бошқа ҳолатларда, сотиб олувчига субсидия ажратишни рад этишга йўл қўйилмайди.

7. Субсидия олувчи субсидия ажратилишини рад этиш тўғрисидаги қарордан норози бўлган тақдирда, белгиланган тартибда юқори турувчи ташкилотга ёки судга шикоят қилиш ҳуқуқига эга.

8. Чорвачилик, паррандачилик ва балиқчилик маҳсулотлари электрон ҳисобварақ-фактуралар ва “on-line” касса аппаратлари орқали сотилганда, сотилган маҳсулот номи (товар коди) ушбу Низомга 1-иловага мувофиқ электрон ҳисобварақ-фактуралар (савдо чеклар) шакллантирилади.

9. Маҳсулотларни нақд пул ёки банк картаси (тўлов терминали) орқали сотиш бўйича “on-line” касса аппаратларини ўрнатиш субсидия олувчилар зиммасига юкланади.

10. Йирик ва майда шохли моллар гўшти (тирик вазндаги), парранда гўшти ва балиқ килограмм, сут литр, парранда тухуми дона ўлчов бирлигида ёзилади.

11. Йирик ва майда шохли молларнинг 1 килограмм тирик вазндаги гўштининг сўйим чиқими (суб маҳсулотларсиз) коэффиценти 55 фоиз ҳисобида ҳисобга олинади.

12. Чорвачилик хўжаликлари идентификация қилинган ҳамда ихтисослаштирилган сўйиш корхоналарида сўйилган йирик ва майда шохли молларнинг гўшт маҳсулотларини сотади.

3-боб. Субсидия ажратиш учун талаб этиладиган ҳужжатлар ва уларни кўриб чиқиш тартиби

13. Субсидия олувчилар ўз хўжалигида етиштирилган маҳсулотларни сотишдан олдин Ўзбекистон Республикаси Ветеринария ва чорвачиликни ривожлантириш давлат қўмитасининг “my.vetgov.uz” сайти орқали ҳудудий “Чорванасл” маркази туман вакилига (кейинги ўринларда – Вакил) ариза билан муурожаат қилади.

Вакил субсидия ажратиш билан боғлиқ ариза ва унга илова қилинган ҳужжатларни кўриб чиқиш учун комиссияга тақдим этади.

14. Субсидия олувчилар томонидан тақдим этилган ариза ушбу Низомга 2-иловага мувофиқ схема асосида кўриб чиқилади.

15. Чорвачилик субъекти томонидан сотилган маҳсулотларга субсидия олиш учун ариза ушбу Низомга 3, 3а ва 3б иловаларга мувофиқ топширилади.

16. Комиссия субсидия олувчининг аризасига кўра сотиладиган маҳсулотларни ўз хўжалигида етиштирилганлиги ва маҳсулотларнинг тегишли турлари бўйича беш иш кунда ушбу Низомга 4, 4а ва 4б иловаларга мувофиқ хулоса беради ҳамда “my.vetgov.uz” сайти орқали электрон шаклда “Ўзбекчорванасл” агентлигига (кейинги ўринларда – Агентлик) тақдим этади.

17. Агентлик хулоса келиб тушган санада Ветеринария ва чорвачиликни ривожлантириш давлат қўмитаси ва Давлат солиқ қўмитаси ўртасида интеграция қилинган маълумотлар базасидан электрон тартибда фойдаланади.

18. Субсидия олувчи ўз хўжалигида етиштирган чорвачилик маҳсулотларини сотгандан сўнг Агентлик комиссия хулосаси ва солиқ органларининг маълумотлари натижасига кўра субсидия ажратилиши ёки ажратилмаслиги юзасидан беш иш кунида ариза берувчига электрон шаклда жавоб хати юборади.

5-боб. Субсидияни ажратиш тартиби

19. Агентлик календарь йил мобайнида чорвачилик субъектларига ажратиладиган субсидиялар тўғрисидаги маълумотларни Низомга 5, 5а ва 5б иловалардаги шаклларда Молия вазирлиги билан келишилган ҳолда Ўзбекистон Республикаси Ветеринария ва чорвачиликни ривожлантириш давлат қўмитасига тасдиқлаш учун тақдим этади ва улар Ветеринария ва чорвачиликни ривожлантириш давлат қўмитаси томонидан уч иш кунида тасдиқланади.

20. Комиссия хулосаси ва солиқ органларининг маълумотлари ижобий бўлган тақдирда, электрон шаклдаги маълумотларни Ўзбекистон Республикаси Ветеринария ва чорвачиликни ривожлантириш давлат қўмитаси ахборот тизими орқали Ўзбекистон Республикаси Молия вазирлиги Ғазначилигига юборилади.

21. Ўзбекистон Республикаси Молия вазирлиги Ғазначилиги Ветеринария ва чорвачиликни ривожлантириш давлат қўмитаси ахборот тизими орқали келиб тушган Агентликнинг хулосасини олгандан сўнг бир иш кунида бюджетдан шу мақсадга ажратилган маблағлар доирасида тегишли субсидия суммасини субсидия олувчининг банк ҳисобварағига ўтказиши.

22. Субсидия субсидия олувчи томонидан берилган аризага асосан кейинги ойнинг 25-санасига қадар ажратилади.

23. Ўзбекистон Республикаси Молия вазирлиги келгуси йил учун Ўзбекистон Республикаси Давлат бюджети параметрларини шакллантиришда субсидия олувчиларга субсидия ажратиш учун зарур маблағларни ҳисобга олади.

6-боб. Яқунловчи қоидалар

24. Субсидия бериш бўйича юзага келадиган келишмовчиликлар томонлар ўртасида музокаралар ўтказиш орқали ҳал қилинади

Келишмовчиликларни музокаралар ўтказиш орқали ҳал қилишнинг иложи бўлмаганда, суд тартибида ҳал қилинади.

Комиссия ва солиқ органлари тақдим этган хулосаси ва маълумотларининг ҳаққонийлиги учун ўзлари жавобгар ҳисобланади.

25. Ўзбекистон Республикаси Молия вазирлиги Давлат молиявий назорати департаменти ажратилган субсидиялардан мақсадли фойдаланилишини назорат қилади.

26. Ушбу Низом талаблари бузилишида айбдор бўлган шахслар қонунчилик ҳужжатларида белгиланган тартибда жавоб берадилар.

Чорвачилик, паррандачилик ва балиқчилик
хўжалиқларига улар томонидан етиштирилган ва
сотилган маҳсулотлар учун субсидия ажратиш
тартиби тўғрисидаги низомга
1-илова

**Электрон ҳисобварақ-фактурага киритиладиган
МАҲСУЛОТЛАР РЎЙҲАТИ**

Т/р	Маҳсулот номи	Ўлчов бирлиги	Маҳсулот (хизмат)ларнинг Ягона электрон миллий каталоги бўйича идентификация коди
1.	Сигир сути	литр	04010402
2.	Эчки ва қўй сути	литр	0401209900
3.	Қорамол гўшти (тирик вазнда)	кг	0201300005
4.	Қўй ва эчки гўшти (тирик вазнда)	кг	0204230000, 0206809900
5.	Парранда тухуми	дона	0407210000
6.	Парранда гўшти (сўйилган вазнда)	кг	0207141009
7.	Балиқ (лосось, форель ва осётр)	кг	0303130000
8.	Бошқа турдаги балиқ	кг	0305697000

**Кўшилган қиймат солиғи тўловчисининг субсидия олиш тўғрисидаги
аризасини кўриб чиқиш ва субсидия ажратиш тартиби
СХЕМАСИ**

Босқичлар	Субъектлар	Тадбирлар	Бажариш муддатлари
1-босқич	Субсидия олувчи	Субсидия олувчилар ўз хўжалигида етиштирилган маҳсулотларни сотишдан олдин Ветеринария ва чорвачиликни ривожлантириш давлат қўмитасининг "my.vetgov.uz" сайти орқали ҳудудий "Чорванасл" маркази туман вакилига (кейинги ўринларда – Вакил) ариза билан мурожаат қилади.	ўз хўжалигида етиштирилган маҳсулотларни сотишдан олдин
2-босқич	Комиссия (Чорвачилик маҳсулотлари учун субсидия ажратилишини самарали ташкил этишни таъминлаш бўйича туман (шаҳар) комиссияси)	Комиссия субсидия олувчининг аризасига кўра сотиладиган маҳсулотларни ўз хўжалигида етиштирилганлиги ва маҳсулотларнинг тегишли турлари бўйича беш иш кунда ушбу Низомга 4, 4а ва 4б-иловаларга мувофиқ хулоса беради ҳамда "my.vetgov.uz" сайти орқали электрон шаклда "Ўзбекчорванасл" агентлигига тақдим этади.	беш иш кунда
3-босқич	"Ўзбекчорванасл" агентлиги	"Ўзбекчорванасл" агентлиги хулоса келиб тушган санада Ветеринария ва чорвачиликни ривожлантириш давлат қўмитаси ва Давлат солиқ қўмитаси ўртасида интеграция қилинган маълумотлар базасидан электрон тартибда фойдаланади.	уч иш кунда
4-босқич	"Ўзбекчорванасл" агентлиги	Субсидия олувчи ўз хўжалигида етиштирган чорвачилик маҳсулотларини сотгандан сўнг Агентлик комиссия хулосаси ва солиқ органларининг маълумотлари натижасига кўра субсидия ажратилиши ёки ажратилмаслиги юзасидан ариза берувчига электрон шаклда жавоб хати юборади.	беш иш кунда
5-босқич	Ветеринария ва чорвачиликни ривожлантириш давлат қўмитаси	Комиссия хулосаси ва солиқ органларининг маълумотлари ижобий бўлган тақдирда, электрон шаклдаги маълумотларни Ветеринария ва чорвачиликни ривожлантириш давлат қўмитаси ахборот тизими орқали Молия вазирлиги Ғазначилигига юборади.	бир иш кунда
6-босқич	Молия вазирлиги Ғазначилиги	Молия вазирлиги Ғазначилиги Ветеринария ва чорвачиликни ривожлантириш давлат қўмитаси ахборот тизими орқали келиб тушган Агентликнинг хулосасини олгандан сўнг бюджетдан шу мақсадга ажратилган маблағлар доирасида тегишли субсидия суммасини субсидия олувчининг банк ҳисобварағига ўтказди.	бир иш кунда
7-босқич	Молия вазирлиги Ғазначилиги	Субсидия субсидия олувчи томонидан берилган аризага асосан ажратилади.	кейинги ойнинг 25-санасига қадар

Чорвачилик, паррандачилик ва балиқчилик
хўжаликларига улар томонидан етиштирилган
ва сотилган маҳсулотлар учун субсидия
ажратиш тартиби тўғрисидаги низомга
3-илова

**Чорвачилик субъектлари томонидан етиштирилган ва сотилган гўшт
(тирик вазнда) ва сут маҳсулотлари учун субсидия олиш тўғрисидаги ариза
НАМУНАСИ**

1.	Юридик шахснинг тўлиқ номи:	
2.	Жойлашган жойи: <i>(почта манзили)</i>	
3.	СТИР рақами:	
4.	Банк реквизитлари: <i>(банк бўлими номи, МФО ва ҳисобварағи)</i>	
5.	Телефон рақами:	
6.	Электрон почта манзили:	
7.	Хўжаликда етиштирилган ва 90 кун давонида сотилиши режалаштириладиган гўшт, тирик вазнда (кг) сут (литр).	
8.	Ихтисослаштирилган ва автоматлаштирилган сўйиш корхонасининг номи ва манзили	
9.	Сўйиладиган ҳайвоннинг идентификация рақами	

Чорвачилик, паррандачилик ва балиқчилик
хўжаликларига улар томонидан етиштирилган
ва сотилган маҳсулотлар учун субсидия
ажратиш тартиби тўғрисидаги низомга
За-илова

**Паррандачилик субъектлари томонидан етиштирилган ва сотилган парранда
гўшти ва тухум маҳсулотлари учун субсидия олиш тўғрисидаги ариза
НАМУНАСИ**

1.	Юридик шахснинг тўлиқ номи:	
2.	Жойлашган жойи: <i>(почта манзили)</i>	
3.	СТИР рақами:	
4.	Банк реквизитлари: <i>(банк бўлими номи, МФО ва ҳисобварағи)</i>	
5.	Телефон рақами:	
6.	Электрон почта манзили:	
7.	Хўжаликда етиштириладиган ва 90 кун давомида сотилиши режалаштириладиган парранда гўшти (кг)	
8.	Хўжаликда етиштириладиган ва 90 кун давомида сотилиши режалаштириладиган тухум (дона)	

Чорвачилик, паррандачилик ва балиқчилик
хўжаликларига улар томонидан етиштирилган ва
сотилган маҳсулотлар учун субсидия ажратиш
тартиби тўғрисидаги низомга
3б-илова

**Балиқчилик субъектлари томонидан интенсив усулда етиштирилган ва
сотилган лосось, форель, осётр балиқлари (кг) ва бошқа турдаги балиқлар
учун субсидия олиш тўғрисидаги ариза
НАМУНАСИ**

1.	Юридик шахсининг тўлиқ номи:	
2.	Жойлашган жойи: <i>(почта манзили)</i>	
3.	СТИР рақами:	
4.	Банк реквизитлари: <i>(банк бўлими номи, МФО ва ҳисобварағи)</i>	
5.	Телефон рақами:	
6.	Электрон почта манзили:	
7.	Хўжаликда интенсив усулда етиштирилиб, 90 кун давомида сотилиши режалаштириладиган лосось, форель ва осётр балиқлари (кг)	
8.	Хўжаликда интенсив усулда етиштирилиб, 90 кун давомида сотилиши режалаштириладиган бошқа турдаги балиқлар (кг)	

Чорвачилик, паррандачилик ва балиқчилик
хўжаликларига улар томонидан етиштирилган ва
сотилган маҳсулотлар учун субсидиялар ажратиш
тартиби тўғрисидаги низомга
4-илова

“Тасдиқлайман”
туман ҳокимининг қишлоқ ва сув хўжалиги
масалалари бўйича ўринбосари, туман комиссияси
раиси

_____ (Ф.И.О)
20__ йил “__” _____

ХУЛОСА

_____ вилояти _____ туманидаги субсидия олишга талабгор “_____” нинг 20__ йил _____ даги
муружаатига ва тақдим этилган ҳужжатларга асосан туман комиссияси томонидан жойига чиқиб ўрганилди ва қуйидагилар аниқланди:

Т/р	Хўжалик номи	Жойлашган манзили	Жами мол бош сони	Шундан:		Жами ер майдони	Шундан:		Йиллик жамғарилган озиқа бирлиги (тонна)	Молхона бинолари (сони)		Етиштириладиган маҳсулот (тонна) Прогноз		Реализация қилинган маҳсулот(тонна) Прогноз	
				соғин сигирлар	боқувдаги моллар		озиқа экни	бино-иншоат		очик бино	ёпик бино	гушт (тирик вазнда)	соғиб олин-диган сут	гушт (тирик вазнда)	соғиб олин-диган сут
	жами:														

ЯКУНИЙ ХУЛОСА:

_____ вилояти _____ туманидаги _____ (ташкilot номи) _____ ги ҳақиқатдан ҳам ўз
хўжалигида _____ маҳсулотни етиштиради ва сотади.

Комиссия аъзолари:

Туман ветеринария ва чорвачиликни ривожлантириш бўлими бошлиғи	имзо/муҳр	Ф.И.О.
Туман агросаноат мажмуи устидан назорат қилиш инспекцияси вакили	имзо/муҳр	Ф.И.О.
Туман молия бўлими мудир	имзо/муҳр	Ф.И.О.
Туман солиқ инспекцияси бошлиғи	имзо/муҳр	Ф.И.О.
Худудий “Чорванасл” маркази туман вакили	имзо/муҳр	Ф.И.О.

Чорвачилик, паррандачилик ва балиқчилик
хўжаликларига улар томонидан
етиштирилган ва сотилган маҳсулотлар
учун субсидия ажратиш тартиби
тўғрисидаги низомга
4а-илова

“Тасдиқлайман”
туман ҳокимининг қишлоқ ва сув хўжалиги
масалалари бўйича ўринбосари, туман комиссияси
раиси

(Ф.И.О)
20__ йил “__” _____

ХУЛОСА

_____ вилояти _____ туманидаги субсидия олишга талабгор “_____” нинг 20__ йил _____ даги мурожаатига ва тақдим
этилган ҳужжатларга асосан туман комиссияси томонидан жойига чиқиб ўрганилди ва қуйидагилар аниқланди:

Т/р	Хўжалик номи	Жойлашган манзили	Жами парранда сони (юз бош)	Хўжалик ташқил этилганлиги тўғрисидаги маълумот	Шундан (сони):		Ходимлар сони		Асбоб-ускуналар мавжудлиги				Етиштирилган маҳсулот		Реализация қилинган маҳсулот		
					гушт учун	тухум учун	донмий	мавсум ий	озика таъминот и	сув таъминот и	шамоллати ш тизими	сўйиш линияси	гушт (кг)	тухум (дона)	гушт (кг)	тухум (дона)	
	жами:																

ЯКУНИЙ ХУЛОСА:

_____ вилояти _____ туманидаги _____ (ташқилот номи) _____ ги ҳақиқатдан ҳам ўз хўжалигида _____ маҳсулотни
етиштиради ва сотади.

Комиссия аъзолари:

Туман ветеринария ва чорвачиликни ривожлантириш бўлими бошлиғи	имзо/муҳр	Ф.И.О.
Туман агросаноат мажмуи устидан назорат қилиш инспекцияси вакили	имзо/муҳр	Ф.И.О.
Туман молия бўлими мудир	имзо/муҳр	Ф.И.О.
Туман солиқ инспекцияси бошлиғи	имзо/муҳр	Ф.И.О.
Худудий “Чорванасл” маркази туман вакили	имзо/муҳр	Ф.И.О.

Чорвачилик, паррандачилик ва балиқчилик
хўжаликларига улар томонидан
етиштирилган ва сотилган маҳсулотлар
учун субсидия ажратиш тартиби
тўғрисидаги низомга
4б-илова

“Тасдиқлайман”
туман ҳокимининг қишлоқ ва сув хўжалиги
масалалари бўйича ўринбосари, туман комиссияси
раиси

_____ (Ф.И.О)
20__ йил “___” _____

ХУЛОСА

_____ вилояти _____ туманидаги субсидия олишга талабгор “_____” нинг 20__ йил _____ даги мурожаатига ва тақдим этилган ҳужжатларга асосан туман комиссияси томонидан жойига чиқиб ўрганилди ва қуйидагилар аниқланди:

Т/р	Хўжалик номи	Жойлашган манзили	Интенсив сув хавза майдони	Интенсив усулда балиқ етиштириш технологияси				Совук сув балиқлари шундан:			Қолган турдаги балиқлар шундан:	Етиштирилган маҳсулот (кг)	Реализация қилинган маҳсулот (кг)
				Интенсив	Ярим интенсив	Ёпик сув айланма тизими (ЎЗВ)	Қафас (садок)	Лосос	Форель	Осётр			
1	2	3	4	5	6	7	8		9		10	11	12
1.													
2.	жами:												

ЯКУНИЙ ХУЛОСА:

_____ вилояти _____ туманидаги _____ (ташкilot номи) _____ ги ҳақиқатдан ҳам ўз хўжалигида _____ маҳсулотни етиштиради ва сотади.

Комиссия аъзолари:

Туман ветеринария ва чорвачиликни ривожлантириш бўлими бошлиғи	имзо/муҳр	Ф.И.О.
Туман агросаноат мажмуи устидан назорат қилиш инспекцияси вакили	имзо/муҳр	Ф.И.О.
Туман молия бўлими мудир	имзо/муҳр	Ф.И.О.
Туман солиқ инспекцияси бошлиғи	имзо/муҳр	Ф.И.О.
Худудий “Чорванасл” маркази туман вакили	имзо/муҳр	Ф.И.О.

Чорвачилик, паррандачилик ва балиқчилик
хўжаликларига улар томонидан етиштирилган ва
сотилган маҳсулотлар учун субсидия ажратиш
тартиби тўғрисидаги низомга
5-илова

_____ йилда ўз хўжаликларида етиштириладиган сўт ва гўшт
(тирик вазнда) маҳсулотларининг прогноз кўрсаткичлари жадвали
НАМУНАСИ

Т/р	Худудлар номи	Ўз хўжаликларида етиштириладиган қорамол ва қўй гўшти (тирик вазнда), (тонна)	Ўз хўжаликларида етиштириладиган сўт, (тонна)
1.	Қорақалпоғистон Республикаси		
2.	Андижон вилояти		
3.	Бухоро вилояти		
4.	Жиззах вилояти		
5.	Қашқадарё вилояти		
6.	Навоий вилояти		
7.	Наманган вилояти		
8.	Самарқанд вилояти		
9.	Сурхондарё вилояти		
10.	Сирдарё вилояти		
11.	Тошкент вилояти		
12.	Фарғона вилояти		
13.	Хоразм вилояти		
	Жами		

Чорвачилик, паррандачилик ва балиқчилик
хўжаликларига улар томонидан етиштирилган ва
сотилган маҳсулотлар учун субсидия ажратиш
тартиби тўғрисидаги низомга
5а-илова

_____ йилда ўз хўжаликларида етиштириладиган парранда
гўшти (сўйилган вазнда) ва тухум маҳсулотларнинг
прогноз кўрсаткичлари жадвали
НАМУНАСИ

Т/р	Худудлар номи	Ўз хўжаликларида етиштириладиган парранда гўшти (сўйилган вазнда), (тонна)	Ўз хўжаликларида етиштириладиган тухум, (минг дона)
1.	Қорақалпоғистон Республикаси		
2.	Андижон вилояти		
3.	Бухоро вилояти		
4.	Жиззах вилояти		
5.	Қашқадарё вилояти		
6.	Навоий вилояти		
7.	Наманган вилояти		
8.	Самарқанд вилояти		
9.	Сурхондарё вилояти		
10.	Сирдарё вилояти		
11.	Тошкент вилояти		
12.	Фарғона вилояти		
13.	Хоразм вилояти		
	Жами		

Чорвачилик, паррандачилик ва балиқчилик
хўжаликларига улар томонидан етиштирилган ва
сотилган маҳсулотлар учун субсидия ажратиш
тартиби тўғрисидаги низомга
5б-илова

_____ йилда ўз хўжаликларида интенсив усулда етиштирилган
совуқ сув балиқлари (лосось, форель ва осётр) ҳамда бошқа
турда етиштирилган балиқ прогноз кўрсаткичлари жадвали
НАМУНАСИ

Т/р	Худудлар номи	Ўз хўжаликларида интенсив усулда етиштириладиган совуқ сув балиқлари (лосось, форель ва осётр), (тонна)	Ўз хўжаликларида бошқа турдаги етиштирилган балиқлар, (тонна)
1.	Қорақалпоғистон Республикаси		
2.	Андижон вилояти		
3.	Бухоро вилояти		
4.	Жиззах вилояти		
5.	Қашқадарё вилояти		
6.	Навоий вилояти		
7.	Наманган вилояти		
8.	Самарқанд вилояти		
9.	Сурхондарё вилояти		
10.	Сирдарё вилояти		
11.	Тошкент вилояти		
12.	Фарғона вилояти		
13.	Хоразм вилояти		
	Ж А М И		

**Чорвачилик маҳсулотлари учун субсидия ажратилишини
самарали ташкил этишни таъминлаш бўйича
туман (шаҳар) комиссияларининг
НАМУНАВИЙ ТАРКИБИ**

1. Лавозими – туман (шаҳар) ҳокимининг қишлоқ ва сув хўжалиги масалалари бўйича бўйича ўринбосари, *комиссия раиси*
2. Лавозими – туман (шаҳар) ветеринария ва чорвачиликни ривожлантириш бўйича бошқармаси бошлиғи, *комиссия раиси ўринбосари*
3. Лавозими – туман (шаҳар) Агросаноат мажмуи устидан назорат қилиш бўйича инспекцияси бошлиғи
4. Лавозими – туман (шаҳар) молия бўлими мудирини бўйича
5. Лавозими – туман (шаҳар) солиқ инспекцияси бошлиғи бўйича
6. Лавозими – ҳудудий “Чорванасл” маркази туман вакили, *комиссия бўйича котиби*

Вазирлар Маҳкамасининг
2021 йил 12 июл даги 434 -сон
қарорига 3-илова

Ўзбекистон Республикаси Ҳукуматининг айрим ҳужжатларига киритилаётган ўзгартириш ва қўшимчалар

1. Вазирлар Маҳкамасининг 2014 йил 8 сентябрдаги 252-сон қарори (Ўзбекистон Республикаси ҚХТ, 2014 й., 37-сон, 469-модда) билан тасдиқланган Наслли маҳсулотни (материални) экспорт ва импорт қилиш тартиби тўғрисидаги низомда:

а) 8-бандда:

“а” кичик бандда:

биринчи хатбоши қуйидаги таҳрирда баён қилинсин:

“а) гўшт ва сут қорамолчилигида – ёши энг кўпи билан 18 ойгача бўлган зотдор урғочи бузоқлар, бўғоз бўлган ва кутилаётган туғиш вақтидаги ёши 36 ойдан кўп бўлмайдиган, ҳомиланинг отаси тўғрисидаги қўшимча маълумотлар бўлган ғунажинлар танланади”;

иккинчи хатбошиси чиқариб ташлансин;

учинчи ва тўртинчи хатбошилар тегишли равишда иккинчи ва учинчи хатбошилар деб ҳисоблансин;

б) “б” кичик банднинг биринчи хатбоши қуйидаги таҳрирда баён қилинсин:

“б) қўйчилик ва эчкичиликда – мустаҳкам конституцияли, Ўзбекистон Республикасининг тупроқ-иқлим шароитларида урчитиш учун мос келадиган ёши 6 ойликдан қам бўлмаган наслдор қўй ва эчкилар танланади”.

2. Вазирлар Маҳкамасининг 2017 йил 22 сентябрдаги 748-сон қарори (Ўзбекистон Республикаси ҚХТ, 2017 й., 38-сон, 1057-модда) билан тасдиқланган Ҳайвонларни идентификация қилиш, уларни ҳисобга олиш, ҳисобдан чиқариш ва сақлаш тартиби тўғрисидаги низомда:

а) 13-банд қуйидаги таҳрирда баён қилинсин:

“13. Импорт қилинган ҳайвонлар йигирма бир кундан кечиктирмасдан идентификация қилинади”;

б) 27-банд қуйидаги таҳрирда баён қилинсин:

“27. Ҳайвон эгаларининг аризасига мувофиқ давлат ветеринария хизмати томонидан ҳайвонларни идентификация қилиш, ҳисобга олиш ва ҳисобдан чиқариш ушбу Низомга 1-иловада келтирилган схемага мувофиқ уч кун ичида амалга оширилади”;

в) 1-илованинг номи қуйидаги таҳрирда баён қилинсин:

“Ҳайвонларни идентификация қилиш, ҳисобга олиш ва ҳисобдан чиқариш схемаси”.

3. Вазирлар Маҳкамасининг 2019 йил 27 июндаги 532-сон қарори билан тасдиқланган Ўзбекистон Республикаси Ветеринария ва чорвачиликни ривожлантириш давлат қўмитаси хузуридаги “Ўзбекчорванасл” агентлиги тўғрисидаги низомда:

а) 9-банднинг бешинчи хатбоши қуйидаги мазмундаги бешинчи – тўққизинчи хатбошилар билан алмаштирилсин:

“озуқабоп экинларни етиштириш учун ажратилган ер участкаларида ушбу экинлар етиштирилишини мониторинг қилиш;

паррандачилик ва қуёнчилик тармоғини ривожлантириш бўйича қабул қилинган дастурий чора-тадбирлар амалга оширилишини мувофиқлаштириш, ягона илмий-техник, технологик, инвестиция ва экспорт сиёсатини изчил амалга ошириш, шунингдек, ички ва ташқи бозорларда нархлар мониторингини юритиш;

паррандачилик ва қуёнчилик маҳсулотларини сотиш бозорларини кенгайтириш бўйича маркетинг тадқиқотларини амалга ошириш, маҳсулотлар нархлари шаклланишининг мақбул механизмини белгилаш бўйича таклифлар ва тавсиялар ишлаб чиқиш;

парранда ва қуёнлар учун тўла қийматли, юқори оқсилли озиқалар ишлаб чиқариш учун янги ишлаб чиқариш қувватларини ташкил этиш ва мавжудларини модернизация қилиш йўли билан паррандачилик ва қуёнчилик тармоғининг озуқа базасини мустаҳкамлаш;

паррандачилик ва қуёнчилик маҳсулотларини етиштириш ва қайта ишлаш соҳасида ишлаб чиқилган инновацион технологияларни кенг жорий этиш учун илмий-тадқиқот ишларини ташкил қилиш”;

б) 10-бандга қуйидаги мазмундаги “д” – “з” кичик бандлар қўшилсин:

“д) паррандачилик ва қуёнчилик тармоғини ривожлантириш бўйича қабул қилинган дастурий чора-тадбирлар амалга оширилишини мувофиқлаштириш, ягона илмий-техник, технологик, инвестиция ва экспорт сиёсатини изчил амалга ошириш, шунингдек, ички ва ташқи бозорларда нархлар мониторингини юритиш соҳасида:

паррандачилик ва қуёнчилик тармоқларини ривожлантиришга доир дастурий чора-тадбирлар ишлаб чиқади;

парранда ва қуёнларни парваришlash технологиялари бўйича халқаро тажрибадан келиб чиққан ҳолда таҳлилий ишларни амалга оширади;

экспорт қилиш қоидалари (шартлари) бўйича таклифлар тайёрлайди;

экспорт масалалари бўйича халқаро шартномалар ва битимларни ишлаб чиқиш ва амалга оширишда иштирок этади ҳамда соҳадаги тадбиркорларни бошқа компаниялар билан халқаро ҳамкорлигини ривожлантиришга қўмаклашади;

ички ва ташқи бозорларнинг ҳолати ва маҳсулотга бўлган талабини таҳлил қилади ва мониторингини юритади;

паррандачилик ва қуёнчилик соҳасида тезкор онлайн-мониторинг юритиш бўйича интеграциялаштирилган ахборот тизимини шакллантиради ва юритади;

е) паррандачилик ва қуёнчилик маҳсулотларини сотиш бозорларини кенгайтириш бўйича маркетинг тадқиқотларини амалга ошириш, маҳсулотлар нархлари шаклланишининг мақбул механизминини белгилаш бўйича таклифлар ва тавсиялар ишлаб чиқиш соҳасида:

аҳоли ўртасида паррандачилик ва қуёнчилик маҳсулотларининг истеъмол даражасини ошириш юзасидан тушунтириш ишларини олиб боради;

оммавий ахборот воситаларида маҳсулот етиштирувчилар томонидан ижтимоий тусдаги, шу жумладан, парранда ва қуён гўштининг фойдали томонлари, парранда ва қуён боқиш авфзалликлари ҳақидаги маълумотларни ёритиш бўйича таклифлар ишлаб чиқади;

маҳсулотларни сотиш бозорларини кенгайтириш бўйича маркетинг тадқиқотларини амалга оширади;

маҳсулотлар нархлари шаклланишининг мақбул механизминини белгилаш бўйича таклифлар ва тавсиялар ишлаб чиқади;

халқаро даражадаги экспертлар ва мутахассислар билан ҳамкорликда маҳсулотларни сотиш бозорларини кенгайтириш бўйича таклифлар ва тавсиялар ишлаб чиқади;

рақобатбардош маҳсулотлар ишлаб чиқариш ҳажминини ошириш бўйича лойиҳаларни ташкил этиш орқали экспорт салоҳиятини ошириш, бозор конъюнктураси бўйича чуқур маркетинг тадқиқотларини амалга ошириш, хорижий инвестициялар ва беғараз техник кўмак маблағларини (грантлар) жалб қилиш чораларини кўради;

ж) парранда ва қуёнлар учун тўла қийматли, юқори оқсилли озуқалар ишлаб чиқариш учун янги ишлаб чиқариш қувватларини ташкил этиш ва мавжудларини модернизация қилиш йўли билан паррандачилик ва қуёнчилик тармогининг озуқа базасини мустаҳкамлаш соҳасида:

парранда ва қуёнларни тўла қийматли озиқлантириш бўйича таклифлар ва тавсиялар ишлаб чиқади;

озуқа ем тайёрлашни кўпайтириш бўйича янги ишлаб чиқариш қувватларини кенгайтириш бўйича таклифлар ишлаб чиқади ва тадбиркорларга етказилади;

паррандачилик ва қуёнчилик тармоғи озуқа базасини мустаҳкамлаш соҳасида интенсив технологияларни қўллаш бўйича халқаро тажрибаларни ўрганади;

чет давлатлардан сифатли озуқалар ва уларнинг қўшимчалари келтиришни ташкил этиш бўйича ҳамкорликдаги ишларни ташкил этади;

з) *паррандачилик ва қуёнчилик маҳсулотларини етиштириш ва қайта ишлаш соҳасида ишлаб чиқилган инновацион технологияларни кенг жорий этиш учун илмий-тадқиқот ишларини ташкил қилиш соҳасида:*

агентлик мутахассисларини ва ишлаб чиқариш соҳасидаги мутахассисларни тегишли малака ошириш курсларига, шу жумладан, хорижга юбориш орқали қайта тайёрлаш бўйича тадбирлар амалга оширилишини ташкил этади;

инновацион технологияларни кенг жорий этиш учун илмий-тадқиқот ишларини амалга ошириш бўйича тегишли таҳлилий, маълумотнома, статистик материаллар ва таклифларни умумлаштиради ва тайёрлайди;

инновацион технологиялар ривожланишининг жаҳон тенденцияларини ҳисобга олган ҳолда, илмий-тадқиқотлар ва экспериментал ишланмаларни қўллаб-қувватлаш чора-тадбирларини амалга оширади;

паррандачилик ва қуёнчилик маҳсулотларини қайта ишлаш соҳасида янги лойиҳаларни ишлаб чиқади”.

4. Вазирлар Маҳкамасининг “Лалми ва яйлов ер участкаларида томчилатиб ва ёмғирлатиб суғориш технологиясини жорий қилиш учун озуқабоп экинлар етиштирувчиларнинг суғориш тик қудуқларини бурғулаш билан боғлиқ харажатларини қоплаб бериш тартиби тўғрисидаги низомни тасдиқлаш ҳақида” 2019 йил 15 июлдаги 587-сон қарорида:

а) 2-банддаги “1-илова билан тасдиқланган рўйхат доирасида” сўзлари “чорвачилик маҳсулотлари ишлаб чиқарувчи барча хўжалик субъектларига ва омухта ем ишлаб чиқарувчи корхоналарда” сўзлари билан алмаштирилсин;

б) илованинг 1-банди қуйидаги таҳрирда баён қилинсин:

“1. Ушбу Низом чорвачилик маҳсулотлари ишлаб чиқарувчи барча хўжалик субъектларига ва омухта ем ишлаб чиқарувчи корхоналарга озуқабоп экинлар етиштириш, томчилатиб ва ёмғирлатиб суғориш технологиясини жорий қилиш мажбуриятлари билан лалми ва яйлов ер участкалари ажратилган ташкилотларнинг (кейинги ўринларда – озуқабоп экинлар етиштирувчилар) суғориш тик қудуқларини бурғулаш билан боғлиқ харажатларини қоплаб бериш тартибини белгилайди.”

5. Вазирлар Маҳкамасининг “Чорвачилик тармоғига давлат томонидан субсидия ажратишни тартибга солувчи норматив-ҳуқуқий ҳужжатларни тасдиқлаш тўғрисида” 2020 йил 12 майдаги 280-сон қарорида:

а) қарорга 1-иловада:

4-банднинг иккинчи, учинчи ва тўртинчи хатбошилари, 11-банднинг учинчи хатбоши, 12-банднинг тўртинчи хатбоши чиқариб ташлансин;

10-банд қуйидаги таҳрирда баён қилинсин:

“10. Импорт қилинадиган наслдор қорамоллар қуйидаги талабларга мос келиши лозим:

гўшт ва сут йўналишидаги хўжаликларда – наслдор қорамолларнинг туғиш вақтида кутилаётган ёши 30 ойдан кўп бўлмаслиги, бўғоз бўлган,

ҳомиланинг отаси тўғрисидаги қўшимча маълумотлар мавжуд бўлиши лозим”;

11-банднинг иккинчи хатбоши қуйидаги таҳрирда баён қилинсин:

“ёши кўпи билан 18 ойгача бўлган зотдор урғочи ёш қорамол бўлиши”;

12-банднинг учинчи хатбоши қуйидаги таҳрирда баён қилинсин:

“наслдор қўй ва эчкилар ёши 6 ойликдан қам бўлмаслиги”;

15-бандда:

учинчи хатбоши қуйидаги таҳрирда баён қилинсин:

“наслдор қорамол, қўй ва эчкининг идентификация электрон базасига киритилганлиги”;

бешинчи хатбоши қуйидаги таҳрирда баён қилинсин:

“божхона юк декларацияси нусхаси”;

27-банд ўз кучини йўқотган деб ҳисоблансин;

б) қарорга 2-илованинг 12-банди иккинчи, бешинчи ва олтинчи хатбошилари ҳамда 3-илованинг 10-банди иккинчи, учинчи ва олтинчи хатбошилари чиқариб ташлансин.

в) қарорга 4-илова қуйидаги таҳрирда баён қилинсин:

“

Вазирлар Маҳкамасининг 2020 йил
12 майдаги 280-сон қарорига
4-илова

**Чорвачилик тармоғини янада ривожлантириш фаолиятини самарали ташкил этишни таъминлаш бўйича туманлар (шаҳарлар) комиссияларининг
НАМУНАВИЙ ТАРКИБИ**

Т/р	Ф.И.О.	Иш жойи ва лавозими
1.	Лавозими бўйича	- Туман ҳокимининг қишлоқ ва сув хўжалиги масалалари бўйича ўринбосари, <i>комиссия раиси</i>
2.	Лавозими бўйича	- Туман ветеринария ва чорвачиликни ривожлантириш бўлими бошлиғи, <i>комиссия раиси ўринбосари</i>
3.	Лавозими бўйича	- Туман агросаноат мажмуи устидан назорат қилиш инспекцияси бошлиғи
4.	Лавозими бўйича	- ҳудудий “Чорванасл” маркази туман вакили, <i>комиссия котиби</i>

Изоҳ. *Комиссия таркибига заруратга кўра, бошқа ташкилотлар вакиллари жалб этилиши мумкин.*

”

г) қарорга 5-илова қуйидаги таҳрирда баён қилинсин:

“

Вазирлар Маҳкамасининг 2020 йил
12 майдаги 280-сон қарорига
5-илова

**Чорвачилик тармоғини янада ривожлантириш фаолиятини самарали
ташқил этишни таъминлаш бўйича Қорақалпоғистон Республикаси
ва вилоятлар комиссияларининг
НАМУНАВИЙ ТАРКИБИ**

Т/р	Ф.И.О.	Иш жойи ва лавозими
1.	Лавозими бўйича	- Вилоят ҳокимининг қишлоқ ва сув хўжалиги масалалари бўйича ўринбосари, <i>комиссия раиси</i>
2.	Лавозими бўйича	- Вилоят ветеринария ва чорвачиликни ривожлантириш бошқармаси бошлиғи, <i>комиссия раиси ўринбосари</i>
3.	Лавозими бўйича	- Вилоят агросаноат мажмуи устидан назорат қилиш инспекцияси бошлиғи
4.	Лавозими бўйича	- ҳудудий “Чорванасл” маркази директори, <i>комиссия котиби</i>

Изоҳ. *Комиссия таркибига заруратга кўра, бошқа ташкилотлар вакиллари жалб этилиши мумкин.*

”

